

佛說首楞嚴三昧經上

五

姚秦三藏譯摩羅什譯

得

如是我聞一時佛在王舍城者閣崛山中與大比丘僧三万二千人俱善薩摩訶薩七万二千衆所知識得陀羅尼成就辯才樂說無盡安住三昧而不動轉善能了知無盡之慧得深法忍入深法門於諸無量阿僧祇劫所修善法皆悉成就摧伏衆魔降諸怨敵攝取最尊嚴淨佛土有大慈悲諸相嚴身於大精進得到彼岸善知一切言辭方便所行威儀具足清淨悉以得住三解脫門以無礙智通達三世發決定心不捨一切憶念義趣堪忍智慧其諸菩薩德皆如是其名曰

轉不退法輪菩薩發心即轉法輪菩薩無礙轉法輪菩薩離垢淨菩薩除諸蓋菩薩示淨威儀見皆受善菩薩妙相嚴淨王意菩薩不誑一切衆生菩薩無量功德海意菩薩諸根常定不亂菩薩實音聲菩薩一切天讚菩薩

陀羅尼自在王菩薩辯才莊嚴菩薩文殊師利法王子菩薩弥勒菩薩須彌頂王菩薩海德寶嚴淨意菩薩大嚴菩薩大相菩薩光相菩薩光德菩薩淨意菩薩喜王菩薩堅勢菩薩堅意菩薩如是等菩薩摩訶薩七万二千人及三千大千世界所有釋梵護世天王并諸天龍夜叉乾闥婆阿修羅迦樓羅緊那羅摩睺羅伽人與非人衆所知識多種善根樂大法者皆來集會

尔時堅意菩薩在大會中作是念言我於今者當問如來以是所問欲守護佛種法種僧種令諸魔宮隱蔽不現摧伏自大增上慢者未種善根者今當今種已種善根者當今增長若有未發阿耨多羅三藐三菩提心者當今發心已發心者今不退轉已不退者當今疾得阿耨多羅三藐三菩提計有所得住諸見者皆悉今發捨離之心樂小法者今不疑大法樂大法者今生歡喜作是念已即從座

起偏袒右肩右膝著地合掌向佛白佛言世尊我今欲於如來法中少有所問唯願聽許佛告堅意隨汝所問吾當解說今汝歡喜堅意菩薩白佛言世尊頗有三昧能令菩薩疾得阿耨多羅三藐三菩提常得不離值見諸佛能以光明普照十方得自在慧以破諸魔得自在智獲自然智得無生智能不隨他得不斷辯才盡未來際得如意足受無量命樂聲聞者示聲聞乘樂辟支佛者示辟支佛乘樂大乘者為示大乘通達聲聞法而不入聲聞道通達辟支佛法而不入辟支佛道通達佛法而不畢竟滅盡示現聲聞形色威儀而內不離佛菩提心示現辟支佛形色威儀而內不離佛大悲心以幻三昧力示現如來形色威儀以善根力示現在於兜率天上現受後身入於胎初生出家坐佛道場以深慧力現轉法輪以方便力現入涅槃以三昧力現分舍利以本願力現法滅盡唯然世尊行

何三昧能令菩薩示現如是諸功德事而不畢竟入於涅槃

佛告堅意善薩言善哉善哉堅意能聞如來如是之義當知汝能多所饒益安樂衆生憐愍世間利安天人今世後世菩薩蒙益當知汝已深種善根供養親近過去無量百千億佛遍行諸道降魔怨敵於佛法中得自在智教化守護諸菩薩衆已知一切諸佛法藏曾於恒河沙等佛所成就問答堅意如來於此衆會之中不見天龍夜叉乾闥婆及諸聲聞求辟支佛者能作是問唯有汝等大莊嚴者乃能啓發如是之間汝今諦聽善思念之吾當為汝說諸菩薩成就三昧得是功德復過於此堅意白佛言願樂欲聞佛告堅意有三昧名首楞嚴若有菩薩得是三昧如汝所問皆能示現於般涅槃而不永滅示諸形色而不壞色相遊一切諸佛國土而於國土無所分別悉能得值一切諸佛而不分別平等

法性示現遍行一切諸行而能善知諸行清淨於諸天人最尊最上而不自高憍慢放逸現行一切魔自在力而不依猗魔所行事遍行一切三界之中而於法相無所動轉示現遍生諸趣道中而不分別有諸道相善能解說一切法句以諸言辭開示其義而知文字入平等相於諸言辭無所分別常在禪定而現化衆生行於盡忍無生法忍而說諸法有生滅相獨步無畏猶如師子尔時會中諸釋梵護世天王一切大衆皆作是念我等猶尚未曾聞是三昧名字何況得聞解說其義今來見佛快得善利皆共得聞說首楞嚴三昧名字若善男子善女人求佛道者聞首楞嚴三昧義趣信解不疑當知是人必於佛道不復退轉何況信已受持讀誦為他人說如說修行時諸釋梵護世天王皆作是念我等今當為佛如來敷師子座正法座大人座大莊嚴座大轉法輪座當今如來於我此坐說首

楞嚴三昧是中人人各各自謂唯我為佛敷師子座餘人不能尔時釋梵護世天王各為如來敷師子座莊校清淨端嚴高顯無量寶衣以敷其上悉皆張施衆妙寶蓋又以衆寶而為欄楯於座左右無量寶樹枝葉間錯行列相當垂諸幢幡張大寶帳衆寶交絡懸諸寶鈴衆妙雜華以散其上諸天雜香燒以熏之金銀衆寶光明間錯種種嚴淨靡不具有須臾之間於如來前有八万四千億那由他寶師子座悉於衆會無所妨礙一一天子不見餘座各作是念我獨為佛敷師子座佛當於我所敷座上說首楞嚴三昧時諸釋梵護世天王敷座已竟各白佛言唯願如來坐我座上說首楞嚴三昧即時世尊現大神力遍修行時諸釋梵護世天王皆作是念我等今見佛坐其所敷座上不見餘座有一帝釋語餘釋言汝觀如來坐我座上如是釋梵護世天王各相謂言汝觀如來坐我座上有一釋

言如來今者但坐我座不在汝座
余時如來以諸釋梵護世天王宿緣應度又
欲少現首楞嚴三昧勢力亦爲成就大乘行
故令諸衆會皆見如來遍在八万四千億那
由他寶師子座一切大衆皆大歡喜得未曾
有各從座起合掌禮佛咸作是言善哉世尊
威神無量今諸天子各滿所願其諸天子所
爲如來施設座者見佛神力皆發阿耨多羅
三藐三菩提心俱白佛言世尊我等爲欲供
養如來滅除一切衆生苦惱守護正法不斷
佛種是故皆發阿耨多羅三藐三菩提心願
令我等於未來世住佛如是威神之力如今
如來所作變現余時佛讚諸天子言善哉善
哉如汝所說爲欲利益一切衆生發阿耨多
羅三藐三菩提心是爲第一供養如來時梵
衆中有一梵王名曰等行白佛言世尊何等
如來爲是真實我座上是餘座上是佛告等
行一切諸法皆空如幻從和合有無有作者

皆從憶想分別而起無有主故隨意而出是
諸如來皆是真實云何爲實是諸如來本自
不生是故爲實是諸如來今後亦無是故爲
實是諸如來非四大攝是故爲實諸陰入界
皆所不攝是故爲實是諸如來如先中後等
無差別是故爲實梵王是諸如來等無差別
所以者何是諸如來以色如故等以受想行
識如故等以是故等是諸如來以過去世如
故等以未來世如故等以現在世如故等以
如幻法故等以如影法故等以無所有法故
等以無所從來無所從去故等是故如來名
爲平等如一切法等是諸如來亦復如是如
一切衆生等是諸如來亦復如是如諸一切
世間佛等是諸如來亦復如是如一切世界
等是諸如來亦復如是如諸佛名爲平等
梵王是諸如來不過一切諸法如故名爲平等
等梵王當知如來悉知一切諸法如是平等
是故如來於一切法名爲平等等行梵王白

佛言未曾有也世尊如來得是諸法等已以妙色身示現衆生佛言梵王是皆首楞嚴三昧本行勢力之所致也以是事故如來得此諸法等已以妙色身示現衆生說是法時等行梵王及万梵天於諸法中得柔順忍。爾時如來還攝神力諸佛及座皆不復現一

切衆會唯見一佛爾時佛告堅意菩薩首楞嚴三昧非初地二地三地四地五地六地七地八地九地菩薩之所能得唯有住在十地菩薩乃能得是首楞嚴三昧何等是首楞嚴三昧謂修治心猶如虛空一觀察現在衆生諸心二分別衆生諸根利鈍三決定了知衆生因果四於諸業中知無業報五入種種樂欲入已不忘六現知無量種種諸性七常能遊戲華音三昧能示衆生金剛心三昧一切禪定自在隨意八普觀一切所至諸道九於宿命智得無所礙十天眼無障十一得漏盡智非時不證十二於色無色得等入智十三於一

切色示現遊戲十四知諸音聲猶如響相十五順入念慧六能以善言悅可衆生十七隨應說法十八知時非時十九能轉諸根二十說法不虛二十一順入真際二十二善能攝伏衆生之類三十三悉能具足諸波羅蜜四十四威儀進止未曾有異五十五破諸憶想虛妄分別六十六不壞法性盡其邊際七十一時現身住一切佛所二十能持一切佛所說法二十一普於一切諸母間中自在變身猶如影現十三善說諸乘度脫衆生一三十一常能護持三寶不絕發大莊嚴盡未來世而心未曾有疲倦想三十二普於一切諸所生處常能現身隨時不絕三十於諸生處示有所作四十善能成就一切衆生三十善能識知一切衆生六十一切二乘不能惱量十三善能具知諸音聲分八十能使一切諸法熾盛三十能使一劫作阿僧祇劫四十阿僧祇劫使作一劫四十能使一國入阿僧祇國十四阿僧祇國使入一國四十無量佛國入一

毛孔_四_十一切衆生示入一身_四_十了諸佛
土同如虛空_四_十身能遍至無餘佛土_四_十
使一切身入於法性皆使無身_四_十一切法
性通達無相_九_十善能了知一切方便_五_十
音所說悉能通達一切法性_五_十演說一句
能至無量阿僧祇劫_五_十善觀一切法門差
別_三_十善知同異略廣說法_五_十善知出過
一切魔道_五_十放大方便智慧光明_五_十身
口意業智慧爲首_五_十無行神通常現在前
以四無礙智能令一切衆生歡喜_五_十
現神通力遍一切法性_六_十能以攝法普攝衆
生_六_十解諸世間衆生語言_六_十於如幻法
無有所疑_三_十一切生處遍能自在_四_十所
須之物隨意無乏_六_十自在示現一切衆生
於善惡者皆同福田_六_十得入一切善
薩密法_六_十常放光照無餘世界_六_十其智
深遠無能測者_{十七}其心猶如地水火風_一_七_十
善於諸法章句言辭而轉法輪_{十七}於如來

地無所障礙_三_十自然而得無生法忍_四_十
得如實心諸煩惱垢所不能汙_五_十使一切
水入一毛孔不燒水性_六_十修集無量福德
善根_七_十善知一切方便迴向_七_十善能變
化遍行一切諸菩薩行_九_十佛一切法心得
安隱_八_十已得捨離宿業本身_八_十能入諸佛
秘密法藏_二_十示現自恣遊戲諸欲_八_十聞
無量法具足能持_八_十求一切法心無厭足
順諸世法而不染汙_八_十於無量劫爲
人說法皆令謂如從旦至食_八_十示現種種
瘞殘跛蹇聾盲瘡瘍以化衆生_八_十百千密
迹金剛力士常隨護侍_九_十自然能觀知諸
佛道_九_十能於一念示受無量無數劫壽_九_十
現行一切二乘儀法而內不捨諸菩薩行_九_十
其心善寂空無有相_九_十於衆伎樂現自
娛樂而內不捨念佛三昧_九_十若見若聞及
觸共住皆能成就無量衆生_九_十能於念念
示成佛道隨本所化令得解脫_九_十示現入

胎初生

九十

出家成就佛道

九十一

轉於法輪

入大滅度而不永滅

百一

堅意首楞嚴三昧如是無量悉能示佛一切
神力無量衆生皆得饒益堅意首楞嚴三昧
不以一事一緣一義可知一切禪定解脫三
昧神通如意無礙智慧皆攝在首楞嚴中譬

如波泉州江河諸流皆入大海如是菩薩所有
禪定皆在首楞嚴三昧譬如轉輪聖王有大
勇將諸四種兵皆悉隨從堅意如是所有三
昧門禪定門辯才門解脫門陀羅尼門神通
門明解脫門是諸法門悉皆攝在首楞嚴三
昧隨有菩薩行首楞嚴三昧一切三昧皆悉
隨從堅意譬如轉輪聖王行時七寶皆從如
是堅意首楞嚴三昧一切助菩提法皆悉隨
從是故此三昧名爲首楞嚴佛告堅意菩薩
住首楞嚴三昧不行求財而以布施大千世
界及諸大海天宮人間所有寶物飲食衣服
象馬車乘如是等物自在施與此皆是本功

德所致況以神力隨意所作是名菩薩住首
楞嚴三昧檀波羅蜜本事果報

佛告堅意菩薩住首楞嚴三昧不復受戒於
戒不動爲欲化導諸衆生故現受持戒行諸
威儀示有所犯滅除過罪而內清淨常無闕
失爲欲教化諸衆生故生於欲界作轉輪王
諸媛女衆恭敬圍遶現有妻子五欲自恣而
內常在禪定淨戒善能了見三有過患堅意
是名菩薩住首楞嚴三昧尸波羅蜜本事果報
佛告堅意菩薩住首楞嚴三昧修行忍辱畢
竟盡故衆生不生而修於忍諸法不起而修
於忍心無形色而修於忍不得彼我而修於
忍不念生死而修於忍以涅槃性而修於忍
不壞法性而修於忍菩薩如是修行忍辱而
無所修亦無不修爲化衆生生於欲界現有
瞋恨而內清淨現行遠離而無遠近爲淨衆
生壞世威儀而未曾壞諸法之性現有所忍
而無有法常定不壞可以忍者菩薩成就如

是忍辱爲斷衆生多瞋惡心而常稱歎忍辱之福亦復不得瞋恚忍辱堅意是名菩薩住

首楞嚴三昧羼提波羅蜜本事果報

佛告堅意菩薩住首楞嚴三昧發大精進得

諸善法而不發動身口意業爲懈怠者現行精進欲令衆生隨效我學而於諸法無發無

受所以者何菩薩悉知一切諸法常住法性不來不去如是遠離身口意行而能示現發

行精進亦不見法有成就者現於世間發行精進而於內外無所作爲常能往來無量佛國而於身相平等不動示現發行一切善法而於諸法不得善惡現行求法有所諮詢受而

於佛道不隨他教現行親近和尚諸師而爲一切諸天人尊現勤請問而內自得無障礙辯現行恭敬而爲一切天人戴仰現入胞胎而於諸法無所染汙現有出生而於諸法不見生滅現爲小兒而身諸根悉皆具足現行伎藝醫方呪術文章算數工巧事能而內先

來皆悉通達現有病苦而已永離諸煩惱患示現衰老而於先來諸根不壞示現有死而未曾有生滅退失堅意是名菩薩住首楞嚴三昧精進波羅蜜本事果報

佛告堅意菩薩住首楞嚴三昧雖知諸法常是定相而示衆生諸禪差別現身住禪化亂心者而於諸法不見有亂一切諸法如法性相以調伏心於禪不動現諸威儀來去坐卧而常寂然在於禪定示同衆人有所言說而常不捨諸禪定相慈愍衆生入於城邑聚落郡國而常在定爲欲饒益諸衆生故現有所食而常在定其身堅牢猶若金剛內實不虛

不可破壞其內無有生藏熟藏大小便利臭穢不淨現有所食而無所入但爲慈愍饒益衆生於一切處無有過患現行一切凡夫所行而實無行已過諸行堅意菩薩住首楞嚴三昧現在空闊聚落無異現在居家出家無異現爲白衣而不放逸現爲沙門而不自高

於諸外道出家法中爲化衆生而無所出家
不爲一切邪見所染亦不於中謂得清淨現
行一切外道儀法而不隨順其所行道堅意
譬如導師將諸人衆過嶮道已還度餘人如
是堅意菩薩住首楞嚴三昧隨諸衆生所發
道意若聲聞道若辟支佛道若發佛道隨宜
示導令得度已即復來還度餘衆生是故大
士名爲導師譬如牢船從此岸度無量人今
至彼岸至彼岸已還度餘人如是堅意菩薩
住首楞嚴三昧見諸衆生隨生死水四流所
漂爲欲度脫今得出故隨其所種善根成熟
若見可以緣覺度者即爲現身示涅槃道若
見可以聲聞度者爲說寂滅共入涅槃首楞
嚴三昧力故還復現生度脫餘人是故大士
名爲船師堅意譬如幻師於多衆前自現身
死膚脹爛臭若火所燒鳥獸所食於衆人前
如是現身得財物已而便還起以其善能學
幻術故菩薩如是住首楞嚴三昧爲化衆生

示現老死而實無有生老病死堅意是名首
楞嚴三昧禪波羅蜜本事舉報

佛告堅意菩薩住首楞嚴三昧修行智慧諸
根猛利未曾見有衆生之性爲欲化故說有
衆生不見壽者命者說有壽者命者不得業
性及業報性而示衆生有業業報不得生死
諸煩惱性而說當知見生死煩惱不見涅槃
而說至涅槃不見諸法有差別相而說諸法
有善不善已能度至無礙智岸現生欲界而
不著欲界現行色界禪而不著色界現入無
色定而生於色界現行色界禪而生於欲界
現於欲界而不行欲界行悉知諸禪及知禪
分自在皆能入禪出禪爲化衆生隨意所生
一切生處悉能受身常能成就深妙智慧除
斷一切衆生諸行為化衆生現有所行而於
諸法實無所行皆已出過一切諸行久已滅
除我我所心而示現受諸所湏物菩薩成就
如是智慧有所施作皆隨智慧而未曾爲業

果所汎爲化衆生示現瘡瘍而內寶有微妙
梵音通達語言經書彼岸不先思量當說何
法隨所至衆所說皆妙悉能令喜心得堅固
隨其所應而爲說法而是菩薩智慧不減堅
意譬如男女若大若小隨所持器行詣水所
若泉若池渠河大海隨器大小各滿而歸而
此諸水無所減少如是堅意菩薩住首楞嚴
三昧隨所至衆若刹利衆婆羅門衆若居士
衆釋衆梵衆至是諸衆不加心力能以善言
皆令喜悅隨宜所應而爲演法然其智辯無
所減少堅意是名首楞嚴三昧般若波羅蜜
本事果報

佛告堅意菩薩住首楞嚴三昧衆生見者皆
得度脫有聞名字有見威儀有聞說法有見
默然而皆得度堅意譬如大藥樹王名爲喜
見有人見者病皆得愈如是堅意菩薩住首
楞嚴三昧衆生見者貪恚癡病皆得除愈如
大藥王名曰滅除若鬪戰時用以塗鼓諸被

箭射刀矛所傷得聞鼓聲箭出毒除如是堅
意菩薩住首楞嚴三昧有聞名者貪恚癡箭
自然拔出諸邪見毒皆悉除滅一切煩惱不
復動發堅意譬如藥樹名爲具足有人用根
病得除愈莖節心皮枝葉華果皆能除愈若
生若乾若段段截悉能除愈衆生諸病菩薩
住首楞嚴三昧亦復如是於諸衆生無時不
益常能滅除一切衆患謂以說法兼行四攝
諸波羅蜜令得度脫若人供養若不供養有
益無益而是菩薩皆以法利令得安隱乃至
身死有食肉者若諸畜生二足四足及諸鳥
獸人與非人是諸衆生皆以菩薩戒願力故
死得生天常無病痛衰惱諸患堅意住首楞
嚴三昧菩薩猶如藥樹

佛告堅意菩薩住首楞嚴三昧六波羅蜜出
世自知不從他學舉足下足入息出息念念
常有六波羅蜜何以故堅意如是菩薩身皆
是法行皆是法堅意譬如王若諸大臣百

千種香擣以爲末若有人來索中一種不用
餘香共相熏雜堅意如是百千衆香末中可
得一種不雜餘不不也世尊堅意是菩薩以
一切波羅蜜熏身心故於念念中常生六波
羅蜜堅意菩薩云何於念念中生六波羅蜜
堅意是菩薩一切悉捨心無貪著是檀波羅

蜜心善寂滅畢竟無惡是尸波羅蜜知心盡
相於諸塵中而無所傷是羼提波羅蜜勤觀
擇心知心離相是毗梨耶波羅蜜畢竟善寂
調伏其心是禪波羅蜜觀心知心通達心相
是般若波羅蜜堅意菩薩住首楞嚴三昧如
是法門念念皆有六波羅蜜

尔時堅意菩薩白佛言未曾有也世尊菩薩
成就首楞嚴三昧其所施行不可思議世尊
若諸菩薩欲行佛行當學是首楞嚴三昧何
以故世尊是菩薩現行一切諸凡夫行而於
其心無貪恚癡於時衆中有大梵王名曰成
慈白佛言世尊若菩薩欲行一切諸凡夫行

當學首楞嚴三昧何以故是菩薩現行一切
諸凡夫行而心無有貪恚癡行佛言善哉善
哉成慈如汝所說若菩薩欲行一切諸凡夫
行當學首楞嚴三昧不念一切諸所學故堅
意菩薩白佛言世尊菩薩欲學首楞嚴三昧
當云何學

佛告堅意譬喻如學射先射大堆射大堆已學
射小堆射小堆已次學射的學射的已次學
射杖學射杖已學射百毛射百毛已學射十
毛射十毛已學射一毛射一毛已學射百分
毛之一分善能是已名爲善射隨意不空是
人若欲於夜闇中所聞音聲若人非人不用
心力射之皆著如是堅意菩薩欲學首楞嚴
三昧先當學愛樂心學愛樂心已當學深心
學深心已當學大慈學大慈已當學大悲學
大悲已當學四聖梵行所謂慈悲喜捨學四
聖梵行已當學報得最上五通常自隨身學
是通已爾時便能成就六波羅蜜成就六波

羅賓已便能通達方便通達方便已得住第三柔順忍住第三柔順忍已得無生法忍得無生法忍已諸佛授記諸佛授記已能入第八菩薩地入第八菩薩地已得諸佛現前三昧得諸佛現前三昧已常不離見諸佛常不離見諸佛已能具足一切佛法因緣具足一

切佛法因緣已能起莊嚴佛土功德能起莊嚴佛土功德已能具生家種姓入胎出生具生家種姓入胎出生已能具十地具十地已余時便得受佛職號受佛職號已便得一切菩薩三昧得一切菩薩三昧已然後乃得首楞嚴三昧得首楞嚴三昧已能為衆生施作佛事而亦不捨菩薩行法堅意菩薩若學如是諸法則得首楞嚴三昧菩薩已得首楞嚴三昧則於諸法無所復學何以故先已善學一切法故譬如學射能射一毛分已不復學餘所以者何先已學故如是堅意菩薩住首楞嚴三昧於一切法無所復學一切三昧一

切功德皆以學故余時堅意菩薩白佛言世尊我今欲說譬喻願聽許佛言便說世尊譬如三千大千世界大梵天王自然普能遍觀三千大千世界不加功力如是菩薩住首楞嚴三昧於一切法自然能觀不用功力又亦能知一切衆生心心所行佛告堅意如汝所說若菩薩住首楞嚴三昧者悉知一切諸菩薩法一切佛法

余時會中有天帝釋名持須弥山於此三千大千世界最在邊外白佛言世尊譬如住於須弥山頂悉能覩見一切天下菩薩如是住首楞嚴三昧於諸聲聞辟支佛行及諸一切衆生之行自然能觀余時堅意菩薩問是持須弥山釋言汝從何許四天下來住何須弥山頂是釋報言善男子若有菩薩得首楞嚴三昧不應問其所住處也所以者何如此菩薩一切佛國皆是住處而不著住處不得住處不見住處堅意問言仁者得是首楞嚴三

昧耶釋言是三昧中寧復有得不得相耶堅意言不也釋言善男子當知菩薩行是三昧於諸法中都無所得堅意言如汝辯者必已得是首楞嚴三昧釋言善男子我不見法有所住處於一切法無所住者乃得首楞嚴三昧善男子住是三昧則於諸法都無所住若無所住即無所取若無所取即無所說

余時佛告堅意菩薩汝見是持湏弥山釋不已見世尊堅意是釋自然隨意能得首楞嚴三昧住是三昧於此三千大千世界諸帝釋天官皆能現身

余時此間釋提桓因白佛言世尊若持湏弥山釋於諸釋宮能現身者我於一切帝釋處所何故不見余時持湏弥山釋語此釋言憍尸迦若我今以寶身示汝汝於宮殿不復喜樂我常至汝所住宮殿汝不見我余時釋提桓因白佛言世尊我欲見此大士成就妙身佛言憍尸迦汝欲見耶世尊願樂欲見佛語

持湏弥山釋言善男子汝示此釋真實妙身彼釋即現真實妙身余時會中其諸釋梵護世天王聲聞菩薩不得首楞嚴三昧者身皆不現猶苦聚墨持湏弥山釋身如湏弥山王高大巍巍光明遠照余時佛身倍更明顯釋提桓因白佛言未曾有也世尊今此大士身色清淨殊妙難及是諸釋梵護世天王身皆不現猶如聚墨世尊我於湏弥山善妙堂上著釋迦毗楞伽摩尼瓔珞以是光明一切天衆身皆不現我今以此大士光明身不復現所著寶瓔珞亦無光色佛告釋提桓因憍尸迦若此三千大千世界滿中釋迦毗楞伽摩尼珠更有照明諸天摩尼珠能令此珠皆不復現憍尸迦若此三千大千世界滿中照明諸天摩尼珠更有金剛明摩尼珠能令此珠皆不復現憍尸迦若此三千大千世界滿中金剛明摩尼珠更有諸明集摩尼珠能令此珠皆不復現憍尸迦汝見是釋所著諸明集

摩尼珠不已見世尊但爲此珠其光猛盛我
眼不堪佛告憍尸迦若有菩薩得首楞嚴三
昧或作帝釋皆著如是摩尼瓔珞
佛說首楞嚴三昧經卷上

得

楞郎反登胞胎交又癃殘上六中反跛塞上必

脚病居輩反陂音碑睂初齋二反效胡教反脣脹正

降反又正江
反下知向反

佛說首楞嚴三昧經卷中

得六

姚秦三藏鳩摩羅什譯

爾時釋提桓因白佛言世尊諸有不發阿耨
多羅三藐三菩提心者不得是清淨妙身亦
復失是首楞嚴三昧於時瞿或天子語釋提
桓因言諸聲聞人已入法位雖復稱歎愛樂

佛道無能爲也已於生死作障隔故若人已
發阿耨多羅三藐三菩提心者今發當發是
人則應愛樂佛道能得如是上妙色身譬如
蒙日月光明如是聲聞入法位者雖復稱歎
愛樂佛法而佛功德於身無益是故若欲得
此妙身大智慧者當發無上佛菩提心便得
如是上妙色身瞿或天子說是語時萬二千
天子發阿耨多羅三藐三菩提心

爾時堅意菩薩問瞿或天子言行何功德轉
女人身答言善男子發大乘者不見男女而
有別異所以者何薩婆若心不在三界有分
別故有男有女仁者所問行何功德轉女人
身昔事菩薩心無詭曲云何而事答言如事
世尊云何其心而不詭曲答言身業隨口口
業隨意是名女人心無詭曲問言云何轉女
人身答言如成問言云何如成答言如轉問
言天子此語何義答言善男子一切諸法不